

مجله دانش و ادب

مطبعه و محل اداره :

جمال اوغلنده امنیت
مندوفی جوادونده
شکول یقوشنده
۲۵ نومبر

سلکمه موافق آثار
جدیده مع الممنونه
قبول اولنور

درج ایله یین آثار اعاده اولنار

دین ، فلسفه ، علوم ، حقوق ، ادبیات تاریخ ، سیاست ، احوال و شؤون اسلامیه و غیره بحث ایررد هفته ده بر نشر اولنور .

آبونه بدلی

صاحب و مؤسسلری :

در سعادتده نسخہ سی ۵۹ یاره در

ابوالعلا زین العابدین - ح . اشرف ادیب
تاریخ تأسسی

قبرله دن مقوا بورو ایله کوندریلیرسه سنوی
۲۰ عروش فضلہ آلنیر

۱۰ تموز ۳۲۴

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۰۵	۳۰۵
سائر ممالک اجنبیه	۱۷	۹

یدنجی جلد

۱۲ شوال ۱۳۲۹ پنجشنبه ۲۲ ایلول ۱۳۲۷

عدد : ۱۶۱

مؤلفات عارفانه لرینک باشلیجه لری :

- ۱ شرح اربعینیات
- ۲ ریاض الاذکار
- ۳ تأدیب المتعبدین فی اسلام الابوین
- ۴ رساله فی حیوة الخضر والیاس
- ۵ رساله فی توفیق تعارض الآیات
- ۶ رساله مرآة الوجود فی المراتب الکیة والخفرات
- ۷ رساله فی نفع مساعی الاحیاء للاموات
- ۸ رساله فی جواز اداء النوافل بالجماعة
- ۹ رساله فی شرائط استجابة الدعاء
- ۱۰ رساله فی محبة العبد لربه
- ۱۱ رساله فی حقیقة لیلۃ القدر
- ۱۲ رساله فی شروط طلب العلم النافع
- ۱۳ رساله فی اثبات الشعور لاهل القبور
- ۱۴ رساله فی ثبوت طی المکان لاولیاء الامة
- ۱۵ رساله فی جواز دوران الصوفیه باللغة التركية
- ۱۶ رساله ماعرفناک
- ۱۷ شرح کلمات کبیر بن زیاد
- ۱۸ مراتب معرفة الرحمن
- ۱۹ رساله العطریه
- ۲۰ انقاذ الطالبین
- ۲۱ اثبات العلم والشعور
- ۲۲ حجة الوداد
- ۲۳ العدل والاقساط بین التفريط والافراط
- ۲۴ قصم المبتدعین
- ۲۵ درر نورى
- ۲۶ رساله التاج
- ۲۷ اثبات الواجب فی ماهیة الوجود

غزلات عارفانه لرندن :

کنت کنزک سریدر دنیا وعقبادن غرض
اکا مکتب خانه در بو چرخ مینادن غرض
انفس وفاقى رؤیتله کماله عارف اول
معرفندر چونکه مخلوقات بیدادن غرض
بر معمار بو عالم فهم ایدن عارفله
اسم اعظم سریدر چون اول معمار غرض
صوفیا اسماده قالمه کل مسما در سین آل
بیل مسما در کوزوم تعلیم اسما در غرض
قومیادی شغلنى سن مقصد اقصابی کور
چون نتایجدر قو صغرا و کبرادن غرض

قطره سنده نیجه عمان کز لیدر دل بحر ینک
حاصلی در حقیقتدر اودریادن غرض
(نوریا) هیچ غیری مطلب قالمادی عاشقوله
حق جالیدر همین جنات عقبادن غرض

بروسه مبعوثی

محمد طاهر

روضه القراء

— ۲۵ —

ابی بن کعب رضی الله عنه

ابی بن کعب بن قیس الانصاری رضی الله عنک ایکی کنیه لری،
اولوب بری (ابوالمنذر) درکه بو کنیه بی حضرت فخر رسل
افندمر ویرمشدر و دیکری «ابوالطفیل» درکه بونی ده مخدومی
«طفیل» سبیلله حضرت عمر ویرمشدر. عقبه و بدرده بولنش
اولان اکابر اصحاب رسول الله دندر. سید القراء ومعلم اصحاب
حبیب کبریا ایدیلر. ذات عرفان سمانلری قرآن عظیم الشانی حفظه
موفق اولمشلر ونبی محترم افندمر حضرتلرینه دیکتمشلردر. ترجمان
القرآن اولان سیدنا ابن عباس حضرتلری دخی حفظلرینی صاحب
ترجمه حضرتلرینه دیکتمشلردر. سید الانام علیه الصلاة والسلام
افندمر حضرتلری جناب اییه خطاباً : «لم یکن الذین الخ سورہ سنی
سکا اوقیوب دیکتمی ربم بکا امر ایتدی» بیورمش و حضرت
ابی بو التفات عالی اوزرینه وجد و ابتهاج ایله بکا ایلمشدر. ذات
ستوده صفاقلری کتبه وحیدن وعصر رسالته قنوالری ظاهر اولان
فقهایی اصحاب کرام دندر. حضرت عمر مشارالیهی «سید المسلمین»
دیو یاد ایدرلردی. صلات تراویح اون درت تاریخنه قدر اولرده
علی الانفراد قیلنور اولدینی حالده شوکت اسلامیه نک او وقتک حالته
اک عظیم اولان روم و ایران دولترلرینی لرزناک ایتمکه باشلامش اولدیفنه
تشکراً اوسنه حضرت عمر مسجد شریفده ایقاء قنادیل ایله احیای
سنت ایتمش ومؤطاده مذکور اولدینی اوزره صلات تراویحک جماعتله
اداسیجون بو ذات عالیقدری مأمور ایلمشدر. «اک ایی اوقویانمز
ابیدر. وحکما وقضاجه ماهرمن علیدر» بیورلر ایدی. «خذوا
القرآن من اربعة من عبدالله مسعود وسالم مولى ابی حذیفه ومعاذ بن
جبل وابی بن کعب» حدیثی بخاری احادیث دندر. سلطان انیسای
علیه اکل التحایا افندمر حضرتلری جناب اییه خطاباً «یا ابالمنذر !
قرآن کریمک هانکی آتی عظیمدر» دیو بیورنیجه، ابوالمنذر
«یا رسول الله» لاله الا هو الحی القيوم» آیت شریفه سی اعظم آیات
قرآندر، دیملری اوزرینه فخر کائنات علیه الصلاة والسلام افندمر

صاحب ترجمه حضرتلینک، تاریخ و فاتری مختلف فیہ اولوب
هجرت سنہ نک، ۱۹، ۲۰، ۲۱ سنہ سنده در . تاریخ ابی الفداده
یکرمی ایکی کوسرلمشدر .

خواجه زاده

چنگل کوبی

احمد حلمی

مراغظ دیندور :

تعارف مسلمین

بسم الله الرحمن الرحيم « یا ایها الناس انا خلقناکم من ذکر واتی
وجعلناکم شعوبا وقبائل لتعارفوا »

شیخ اکبر : لتعارفوا ای لتساوی الکل فی البشریة المتنسبة
الی ذکر واتی ، دیه تفسیر ایتمشدر .

اصل حقیقی تعارف تحاببدر . بزم حضرت پیغمبره نازل اولان
قرآن مینک لطافتندندرکه بوکی اخلاقه عائد مسائلده خطاب یالکز
اهل ایمانه حصر اولنامش ، بلکه عموم اهل خطاب انسانلردر ،
(یا ایها الناس . . .) خطاب باصوابی ایله خلقه یکدیگرکردن هیچ فرقی
اولیان انسانلر ! سزه دیرم : بن فلان قبیله دیم ، بن فلان وفلانم
دیهرک تفاخر ایتیمیکز ، سزک بینکزده خلقه بفرقیکنز یوقدر هب
اتا و آنادن خلق اولمش بنده لرسکز ؛ دیمشدر .

انسانلر شوصورتله تعارف ایتلی ، اساس مقصد بودر . معارفه نک
مناسی دخی بودر . بالخاصه اصل اسلامک معارفه سی واجبدر . حضرت
فخر الکائنات علیه اکمل التمجیات افندمک امتیه تعلیماتی غایت واسع
مقیاسده اخوت و قردشیکدر ، مؤمن مؤمنه قردشدر . بوایه نص
قرآن ایله ثابت و اوامر الهیهدندر و نیجه احادیث نبویه ایله مؤید
سنت سنیه دندر .

اصحاب کرام رضوان الله علیهم اجمعین مساوات دکل یکدیگره
ایشار ایدردی « ویؤثرون علی انفسهم ولو کان بهم خصاصة » نص جلیلی
آنلر حقنده وارد اولمشدر فقط بزلر مع التأسف نفس اماره مزه مغلوب
اولدق ، رهبرلرمز و نجوم هده ایتمز اولان اصحاب کرام افندیلمزک
یولندن کیده رک ، بالخاصه ملته رهبر اوله جق آدملر ، بزلر ، علما
کسوه سنده بولنان ذوات کرام هر کسدن زیاده راه حق بزم کوزتمه مز
لازم کلور ایکن بالعکس هر کسدن اول بزانحراف ایتدک ، لزوم
معارفه بی تعمیم ، اخوت اسلامییه بی تحکیم ایتک الیبوک بر وظیفه مز
ایکن بووظیفه مز ایفا ایتک شویله طور سون بالعکس محاسده و
منافرت بزم آره مزده جریان ایدوب دوریه سور . بوکون بزده حب
فی الله بغض فی الله قالمدی ، هب حب نفس حب دنیا خادمی اولدق .

حضرتلری ید مبارکلی فی ابوالمنذرک کوکسنه وضع ایله علمنک قوت
و کثرتی ثنا بیورمشلردر . بر کون بر آدم کلهرک « یا ابوالمنذر !
بکا بر وصیت ایله انکه عامل اولهیم » دیر . ابوالمنذر « کتاب
اللهی مقتدابه انخاذا ایله ، حکمنه راضی اول . چونکه جناب
بی سزه قرآنی خلف ترک ایلدی . بر شاهددرکه منهم اوله ماز .
اوراده سزک و سزدن اولکیلرک ذکر و احکامی بیان اولمشدر .
بوندن بیوک زمین تطبیق اوله ماز . » جواب حکمتنا بی
ویرمشلردر . حضرت « بر مؤمنه مصیبت اصابت ایدر ایسه
هر بر کناهدن بری اولور » بیورمشلردر . ذات عالی کریمانه لرندن
تقل اولندیغه کوره حضرت فخر عالم « یا ابوالمنذر ! سن بوامته
نصرت و تمکین تبشیر ایله . دنیا ده منافع غیر مشروعه سنی استحصال
ایچون ارتکاب ظلم ایدنلرک آخرته هیچ نصیبلری یوقدر ،
بیورمشلردر .

ینه کنیدیلرندن روایت اولنورکه جناب بی هرکیجه نصف اللیده
« ای ناس ! اللهی ذکر ایدیکز اولوم کلیور » دیه اوچ دفعه ندا ایدرلرمش .
حضرت فخر الرسل افندمز ابوالمنذره خطاباً « سکا جبرائیلدن اوکر ندیکم
شیلری تعلیم ایده میی » دیدی . ابوالمنذر « منتداریکنز اولورم یار رسول
الله دیمسیله » سن شودعانی اوقو « امری شرف صادر اولمشدر :
« اللهم اغفر لی خطایای و عمدی و هزلی و لا تحرمنی برکة ما اعطیتنی
ولا تقنی فیما حرمتنی » مالی : الهی ! بیله رک و بیله میهرک نه قدر خطالم
وارایسه جمله سنی عفو و مغفرت ایله ، بکا احسان بیوریلان نعمتارک
فیض و برکتندن بی محروم ایتمه . بکا حرام ایتدیکنک شیئله بی
مقتون و خواهشکر قیلمه ، بیوریرلر ایدی که : « سز طریق حق و سنن
نبویه سالک اولیکز . بر قول تصور اولماز که خشیه اللهدن اغلا دینی
حاله کنه ایلری آتاجلرک قورومش یا راقبری کبی دولکسون . هیچ
برکیمسه یوقدرکه خوف اللهدن کریمه ناک اولسون . مؤمنلرک دوت
حال اوزره بولنلری لازمدر : بلایه صابر ، احسانه شاکر ، طوغری
سوزلی ، عادل حکمی . اوچ صنف خلقک مجلسندن اجتناب ایدیکز :
افلرده ، عالم غافل ، قاری مذاهر ، متصوف جاهلدر . اچلق نور ،
طوقلق آتش شہوتی موقظدر ، بولنلرک بر آتش سوز ناک ظهور
ایدرکه صاحبی احراق ایتیمجه سونمز . حقیقی سویله یلر نه قدر
معرض تحقیرده بولنلر دشمنلری دخی علویتلری تصدیق ایدرلر .
بر مجلس که ارباب علمدن خالیدر ، اوراده حیوانات قائم اولور ،
بر قومک عالمی فقیرده اولسه محافل عرفانده بیو کدر . جاهلک جسدی
قبل الموت کنیدیسی ایچون بر قبر مظلومدر . سکا انسانیت نامنه اولیه رق
منفعت مقابلی التفات ایدنلرک حسن نوجهلری موقظدر . ابوهریره و عبدالله بن
السائب ، عبدالله بن عیاش ، ابی ربیع ، عبدالله بن حبیب ، ابو عبدالرحمن ،
السلمی ، ابو العالیة الریاحی حضرتانی قرآن عظیم الشانی بطریق العرض
ابی بن کعب حضرتلرندن اخذ و تلقی ایتمشلردر . رضی الله عنهم
اجمعین .